

## **PIRIPOSI** **Paoro Iokanatsopatakiti Piriposi** **Auakanimoní**

<sup>1</sup> Nota Paoro, Tximótgio pakini, Kristo Xesosi nitiriakori iua amotakini atxaua. Niōkatsopata ikini kākiti Kristo Xesosi nakitiakorimoni, Piriposi sitatxiti auakanimoní aiokanapireta. Niōkatsopata hīte kōtākikarerinomoni, kotxi hīte ōtākikana Xesosi sākire auiākani. Hītepekana, kamiparīkarerini, niōkatsopata hītemoni, kotxi hīte moianatana Xesosi sākire auiākani.

<sup>2</sup> Ereēkai hīte. Aīri Teoso, Xesosi Kristo Apiananiri pakini sikai ikinipoko erekari. Ninoa kamaerekaxiniretai.

### *Paoro Misākiretarri Teoso Piriposi Auakaní Íkapani*

<sup>3</sup> Hīte nixinikasaaki: “Erekapitikari aTeosone,” nitxa. <sup>4</sup> Teoso nimisākiretakasaaki hīte himakinika Íkapani, nipoxokoniritika nimisākiretarri Teoso.

<sup>5</sup> Nipoxokoniuata, kotxi hīte miparīkatano nota Teoso iokanapirena erekari nisāpiretini Íkapani, kotxi hīte iokanataro txineiro notamoni. Teoso iokanapirena erekari hāuikasaaki, hīpotorika himiparīkatinino. Eureka kona hīte iotokaika himiparīkatinino nota. Uatxa auapika himiparīkatinino nota. <sup>6</sup> Teoso sikari erekari hītemoni merepanika isākire hāuikasaaki, ininiā nota imarotapitikari Teoso sikari erekari hītemoni ikiniōtika. Ikara Teoso parīka hītemoni. Erekari isikiniritika Xesosi kanapiriā Íkorapokoriti.

<sup>7</sup> Atāopitika nixinikinii hīte nipoxokoniritika,

kotxi iteene nitiretai hīte himakinika. Atxiīti kateia āki naua. Atxiīti mapara naua, kākiti Teoso iokanapirena erekari atāo ininiua noerekini ūkapani. Atxiīti nisāporetari Teoso iokanapirena erekari, kākiti iteene imarotiniri ūkapani. Kateia āki nauakasaaki, mapara nauakasaaki, ikiniōtika hīte notakata apakapari ikinipoko erekari Teoso sikakiti. <sup>8</sup> Nota iteene tiretai hīte. Kristo Xesosi tiretinii atokokana nitiretai hīte. Teoso imarotari ikara nisākire atāo inini.

<sup>9</sup> Nota misākiretari Teoso hīte ūkapani ia atoko: Ninirekari hītiraōkiuatini apiaāpotini ikiniōtika. Hītiraōki aneeāpotakasaaki, ninirekari himarore apaka aneeāpotini. Imaroretxi himaroāpotakasaaki, ninirekari atāonoka himarotini. <sup>10</sup> Ikara atoko hininiā, himereēri apia erekari hīkamini. Ininiā maerekati !hīkama. Maerekati na apanakinimoni !hīkama. Ikara atoko hininiā, iposopeka hītxa Kristo kanapiriākasaaki. <sup>11</sup> Ikara atoko hininiā, ikinipoko hīkamakiti erekari. Xesosi Kristonokara kamaerekatai hīte hīkamakiti erekari inini ūkapani. Apanakini atamatakasaakiri erekari hīkamakiti, ninoa imarotari Teoso posotiire, ininiā eerekari ninoa: “Peerekari Teoso,” itxanako.

### *Paoro Misiritiko Pirena*

<sup>12</sup> Nitariakori, himarotari nota iteene misiritaāka. Iuaritika Teoso iokanapirena erekari iaripiretapeka. Ninirekari himarotiniri, nimisiritiko xika apikomoni kākiti imarotari Teoso iokanapirena erekari. <sup>13</sup> Ininiā nimisiritiko xika ikinika sotatoakori, Homanoakori auīte aapoko inīkatakani, ikinimane kākiti mapara auakani apaka imarotari nota uai kateia āki

nauakasaaki Kristo sākire nisāporetini xika.  
 14 Itori aītariakori Apiananiri sākire auiākani, sikataparaxiniretaāka, kotxi imarotarina Teoso nīkatinino nota kateia āki nauakasaaki. Ininiā ninoa sāporetari Teoso sākire itaparaxinireritikana. Mapīkaretika itxana.

15 Ninoa sāporetari Kristo sākire, kotxi inirekarina erekari ikaminina. Txamari apanakinipekana sāporetari Kristo sākire nota xikotiko xika. Inirekarina kākiti auikiniri ninoaaka sākire, nota sākire poiāoka auikinina īkapani. Ninoa sāporetari Kristo iokanapirena, kotxi ninoa potxitari kākiti taparakienatakakiniua.  
 16 Aītariakori, erekarinani nirekakani, sāporetari Kristo iokanapirena, kotxi ninoa tiretano nota. Ninoa imarotari Teoso sakinino nota ia parīkatxi, Teoso iokanapirena erekari atāo inini noerekini īkapani. 17 Nota xikotakani sāporetari Kristo sākire, txamari inirekarina ninoaaka nireēkiti ikaminina. ! Inirekarina Teoso nireēkiti. Inirekarina nota apia atatsiitiniri nimisiritiko uai kateia āki nauakasaaki.

18 Atxiīti Kristo iokanapirena sāporetakanī ākixinire erekari. Atxiīti ninoa ākixinire kona erekari. Iuaritika erekapitikari, kotxi Kristo iokanapirena sāporetapeēkaika. Ininiākara nipoxokoniuta nota. Ari, ! niotokapani nipoxokoniuatini. 19 Nipoxokoniuta, kotxi nimarotari nitakanapiniri kateia, kotxi hīte misākiretari Teoso nota īkapani. Nimakatxakaākako kateia āki, kotxi Erekari Matamatakoti Xesosi Kristokata auakari moianatano nota. 20 Kona ninirekari nipētauatini, Kristo iokanapirena nisāporetakasaaki. Ninirekari kataparaxinire

ninini, Kristo apanakini nisāpiretini īkapani. Ikara atoko nininiā, apanakini imarotari Kristo Apiananiri ininiua. Ikiniōtika nauapanika ninakasaaki, ninirekari kākiti imarotiniri Kristo Apiananiri ininiua. Ari, nipīkasaaki apaka, ninirekari apanakini imarotiniri Kristo Apiananiri ininiua. <sup>21</sup> Auapanika ninakasaaki, ninirekari Kristo nireēkitinoka nikamini. Erekapitikari nipinini, kotxi eureka Kristokata nauapika. <sup>22</sup> Auapanika ninakasaaki, niparīkauatapitipo Teoso sākire nisāpiretini, ininiākara erekari niparīka. Kipa ninireka? Nota auapanika nininikani? Nipininkani? ! Nimarotari ninreēkiti. <sup>23</sup> Ninirekari auapanika ninini. Apaka ninirekari nipinini. Apiata ninirekari nipinini Kristokata nauini īkapani. Ikara atoko apiaerekata. <sup>24</sup> Txamari hīte noerekini īkapani, ninirekari auapanika ninini, kotxi hīte nirekapanikano nota. <sup>25</sup> Ikara nimarotapitika, ininiā auapanika nitxa, himakinika noerekini īkapani, kotxi nota nirekari himaroāpotiniri Teoso sākire. Ninirekari hāuikiniri hīpoxokoniritika. <sup>26</sup> Ininiā eureka hītxari: “Erekapitikari Kristo Xesosi, kotxi Paoro iuaīkana apoka atemoni,” hītxapaniko. Ininiā iteene hīpoxokoniuta iuasaaki.

<sup>27</sup> Atxiīti auapanika nitxa, atxiīti nipina, iuaritika ikiniōtika erekak hītxako hāuini. Erekari Kristo iokanapirena, ininiā hīte apaka erekak hītxako hāuini. Atxiīti nisa hītemoni. Atxiīti kona nisa. Atxiīti nikenakopiretai hīte uai kateia āki nauakasaaki. Iuaritika, hāuini erekak inakasaaki, nimarotariko hīte himakinika

iteene aukiniri Kristo sākire iua iokanapirena erekari. Hāuini erekia inakasaaki, nimarotari hīte himakinika sāpiretiniri Kristo iokanapirena iaōka apanakinimoni. <sup>28</sup> Hāuini erekia inakasaaki, na hīpīkana hīte omanatakani. Hītaparaxinireritika hāuiniā, ninoa hīte omanatakani imarotari ixipokinina āti ōti. Hītaparaxinireritika hāuiniā, ninoa imarotari Teoso makatxakinii hīte himapinakani ikapani. <sup>29</sup> Ininiā Teoso sikari erekari hītemoni, kotxi iua auiritai hīte aukiniri Kristo iokanapirena. Apaka erekari isikai hīte, kotxi iua auiritai hīte atatsiitiniri himisiritiko Kristo ikapani. <sup>30</sup> Hīte atamatapekari nota misiritiko, hīte sauaki nauakasaaki. Hīkenakopiretari nimisiritiko auapanika uatxa. Uatxa hīte nota atoko, kotxi hīte apaka misiritaāka.

## 2

### *Kristoka Poiāotakaua.*

<sup>1</sup> Kristo sikitaparaxiniretaua ate, iua nakiti aniniāua. Kristo mīkapiritaua ate, amarini axapitiri inoro mīkapiritini atoko itxa, kotxi iua tiretaua. Ātipirika iua Erekari Matamatakoti amoianari itxaua. Kristo iteene tiretaua. Iua amonīkaua. <sup>2</sup> Ininiākara nota ōtākikai hīte hīkinika. Hīxinikariko Teoso nireēkitinoka hīkamini, ininiā hīxinikakiti ātinoka txauako. Hītiretakauako Teoso tiretiniua atokokana. Hinireēkiti ātinoka txauako. Ikara atoko hininiā, iteene hīkamapoxokonitano nota. <sup>3</sup> Kona kapotxinaniri hītxapeua. !Hīuikepeua. Hīteka minakati hītxauako. Hīxinikariko: “Apanakini apiata, nota poiāoka”. <sup>4</sup> ! Hīxinikapiri pite nireēkitinan. Himiparīkatanako apanakini, ninoa nireēkiti ikaminina ikapani.

<sup>5</sup> Xesosi Kristo xiniākitikanerako hīxinikako. Kristo kamakitikanerako hīkamako. <sup>6</sup> Teoso itxaua Kristo Xesosi, ininiā iposotari ipaniātiniri ikinimane inireēkiti ikaminina. <sup>7</sup> Iuaritika itakanapari auñtetxi ininiua. Nitiritxi atoko itxapekaua. Iuaka minakati itxīkitakaua, kotxi kākitipeka itxaua uai itixi iponaniākasaaki. <sup>8</sup> Iuasaaki kiki inakasaakiua, iuañkana iuaka ipoiāotakaua, kotxi ikīpitari Teoso sākire ipinini īkapani. Imarotari okiko tīkane, kokaniri okiko atoko inaākako aamina īpiriāmitakari nopini. Iuaritika ikīpitari Teoso sākire ipinini īkapani. <sup>9</sup> Ikara atoko ininiā, Teoso txīkitakari iua Apiananiri ininiāua. Āti iua atoko inakari !auari. Teoso takari iuāka. Āti uāka iua atoko inakari !auari, <sup>10</sup> kotxi kākiti ikininape kenakotakasaakiri iuāka Xesosi, ikapotoreēkauako Xesosi apisatoō. Ikinimane Teoso tixine auakani, ikinimane itixi auakani, ikinimane ipīkani auiniātaā pakini kapotoreēkauako Xesosi apisatoō, kotxi iauñtena itxaua Xesosi. <sup>11</sup> Ikinipoko kākiti txako: “Xesosi Kristo Apiananiri itxaua,” itxanako. Ikara atoko ininiā ikinimane: “Peerekari aīri Teoso,” itxanako.

### *Iōriki Atoko Hītxako*

<sup>12</sup> Ininiā nota tiretakini, hīkīpitario nisākire uatxa, mitxi hītekata nauakasaaki nisākire hīkīpitini atokokana hītxako. Uatxa kona hītekataikano, iuaritika ninirekari apiata hīkīpitiniri nisākire. Teoso makatxakapekari himaerekani itixine hīsini īkapani, ininiākara ikinīōtika hīparīkauatako Teoso īkapani. Hīpīkariko maerekati hīkamini. Erekarinanira hīkamapikako.

**13** H̄iposotari ikara atoko h̄ikamini, kotxi Teosokara moianatai h̄ite. Iua kamanirekareta iua nireēkiti hinirekinin̄ ikapani. Iua sikaposotiireta iua nireēkiti h̄ikamini ikapani.

**14** H̄ipar̄ikauatakasaaki, ! h̄itsoatape, ! h̄itxitakapeua. **15** Ikara atoko h̄ikaminiā, h̄ikerokiniri ! auari, himaerekani ! auari, ininiā erekarinoka h̄ikama apanakinimoni. Ininiā Teoso anaakori erekarini h̄itxaua. Kākiti kamisirienererini sauaki h̄auanāta h̄ite. Kākiti maerekani sauaki h̄auanāta. Iōriki iopinikari iaxiti īkanōka. Iōriki atoko h̄itxako. H̄ipinikariko maerekati auiniātaā, atāo inakari kākiti imarotini ikapani. **16** H̄ite iopinikari ipiā, Teoso sākire apanakinimoni h̄isāpiretakasaaki. Teoso sākire tx̄ikitakari kākiti ātipirika auāki inini t̄ikane, Teosokata auini ikapani. H̄ite Teoso anaakori erekarini hininiāua, nota iuikaiko h̄ite, Kristo uaimoni kanapiriākasaaki, kotxi h̄ite auikapekari Teoso sākire nisāpiretakiti. Kona maxikatiīkani nipayikauatapitipo h̄ite ikapani, kotxi h̄ite auikapekari Teoso sākire nisāpiretakiti.

**17** Atxiīti nota okaāka Teoso sākire nisāpiretini xika. Atxiīti niarēka oxikepoakataāka, Teosomoni sikakori atoko inakari, Teoso sākire nisāpiretinii xika, Teoso sākire h̄auikini xika. Nokaāka atxiīti, iuaritika nipoxokoniuata. Nipoxokoniuata h̄itekata. **18** Ininiā erekari h̄ite apaka poxokoniuatini. Erekari h̄ipoxokoniuatini notakata.

**19** Xesosi Apiananiri nirekiniāri nota iokanatiniri Tximótxio h̄itemoni, ininiā mapaōtipeka inakasaaki niokanatari iua. Ininiā eereka iua minapiretari h̄ite pirena, nota apaka poxokoniatini īkapani. **20** Āti Tximótxio atoko inakari uai ! auari, kotxi iua iteene tireta h̄ite. Iua nirekari hāuini ereka inini. **21** Apanakini kākiti xinikari ninoaka nireēkitinoka. !Ixinikarina Xesosi Kristo nireēkiki. **22** Himarotari iua Tximótxio parīkauatape notakata, imi irikata parīkauatakari atoko itxa. Iparīkauata notakata Teoso iokanapirena erekari apanakini asāpiretini īkapani. Ininiākara himarotari Tximótxio atamakaākapeka, ininiā himarotari erekapitikari iua. **23** Kiatokopa ninataāka? Uatxa !nimarotari. Nimarotakasaakiri, niokanatari Tximótxio h̄itemoni. **24** Apiananiri kamaimaroretano nota, Tximótxio tikinimoni nota apaka apoka ereē h̄itemoni.

### *Epaparotxito Pirena*

**25** Notamoni erekari iuañkana niokanatiniri h̄okanapirena mīkari, Epaparotxito inakori. H̄ite iokanatapekari iua notamoni nota itiretini īkapani. Iua nitari atoko itxa. Imiparīkatapitipono nota, Teoso iokanapirena asāpiretakasaaki. Iua, nota pakini sotato atoko atxaua, kotxi ate neenamauata Teoso īkapani. **26** Iua ipiātai h̄ite h̄īkinika. Iua maerekaxiniretinoka itxa, kotxi ikenakopiretari h̄ite imaropiretiniri iua amianatini. **27** Atāopitikara iua amianatapitika. Iua ipinaarita, iuaritika Teoso amonīkari iua. Itxīkitakari iua iuañkana ereka inini. Ininiā Teoso amonīkano nota apaka, kotxi Epaparotxito ipinaākamako, apia maerekaxiniretinoka

nitxamako. <sup>28</sup> Ininiākara iteene ninirekari niokanatiniri iua hītemoni, hīpoxokoniuatini īkapani haōkitakasaakiri. Ikara atoko ininiā, nota maerekaxiniretinoka ninini ! auaika. <sup>29</sup> Ininiā hīpoxokoniritika hāpakapariko iua, kotxi iua Epaparotxito aītari itxaua, kotxi Apiananiri nakitiakori atxaua. Hīpaxitariko kākita Epaparotxito atoko inakari, <sup>30</sup> kotxi Kristo īkapani iparīkauatini xika ipinaarita. Iuaka monōkorimoni isa nota imoianatini īkapani, kotxi iua imarotari hīte nirekapitikamari himoianatinino, txamari ! hīposota himoianatinino, ininiā iua iteene moianatano.

### 3

#### *Kiatokopa Kākita Atāo Ereka Inini?*

<sup>1</sup> Nitariakori, apikomoni nisāpireta. Hīpoxokoniuatako, kotxi Apiananiri nakitiakori atxaua. ! Nisāpaka iuaīkana nisāpiretakitipeka nisāpiretinii hīte. Iuaīkana nōtākikai hīte, atāo minakati himauikakani īkapani. <sup>2</sup> Erepaniko kākita maerekati kamakani, atāo minakati sāpiretakani, kotxi ninoa sāpiretari kākita: “Teoso takaōtxikare piītoā mauakaniā, kona Teoso nakiti ! pitxaua,” itxana. <sup>3</sup> Ninoa auapitika Teoso takaōtxikare iītoāna, txamari kona Teoso nakitiakori !itxauana. Atera Teoso nakitiakori, kotxi atemoni aua atāo inakari Teoso takaōtxikare ate ākixinireē, kotxi Erekari Matamatakoti oerekaua amisākiretiniri Teoso. Kristo Xesosinokara ate iuika. Aimarotari ateka kamakiti ! itxa. Teoso kamakitinokara apakata.

<sup>4</sup> Hīuākatari atxiīti hīte kamakiti ereka inini Teoso apakapinii īkapani? Konapitini. Nota

kamakiti apiaerekata, iuaritika nikamakiti ! txikitakano Teoso apakapinino ikapani. Hükenakotariko erekari nota kamakiti: <sup>5</sup> Teoso takaōtxikare niñtoā takaāka oito öti nauakasaaki. Nirini, ninoroni pakini Xoteo itxauana. Natokiri kitxakapirīka Pēxamiñ inakori. Kitxakapirīka natokiriakorini, nakiroakoroni pakini ikinika Xoteoakori itxauana, ininiā atāo Xoteo nitxaua. Nota kípitari aāuñteakori kitxakapirīkarini paniātakiti, kotxi nota pariseo nitxaua, ininiā Teoso sākire iōkatsopatakori oerekakari nitxaua. <sup>6</sup> Nota iteene nirekari Teoso nireëkiti nikamini, ininiā nimisiritari kākiti Xesosi sākire auiākani, kotxi niuākatari Teoso nirekari ikara nikamini. Aātokiriakorini paniātakiti ikinika nikípita. ! Nikerokari.

<sup>7</sup> Mitxi niuākatari ikara atoko nininiā erekapitikari, ininiā, “Teoso apakapapitikano nota,” nitxa. Uatxa nimarotari Kristo, ininiā nimarotari mitxipe minakati nininiua nota. <sup>8</sup> Uatxa nimarotari niauñe Kristo Xesosi. Ikara apiaerekata. Xesosi nimarotini apisapanika, nikamakiti !itxa xatiki. Nitakanapapekari mitxi nikamakiti. ! Itxaika. Mitxi nikamakiti itiki atoko, kotxi !ninirekaikari. Kristo nakiti uatxa nitxaua. <sup>9</sup> Nitakanapapekari mitxi nikamakiti Kristokata ãtipirika nauini ikapani. Nota kípitari Moisesini paniātakiti. Ikara atoko inakarinani kona erekta txikitakano nota. Teosonokara kamaerekatano nota, kotxi nauikari Kristo sākire. <sup>10</sup> Ninirekari Kristo iteene nimarotini. Ninirekari nimarotiniri Teoso posotiire, kotxi iposotiireë ökitikari Kristo, iuañkana auāki inini ikapani. Kristo atatsiirauatape, ininiā nota apaka nirekari natatsiirauatini atāo imoianari

nininiua ūkapani. Ninirekari nota nireēkiti ipinini, Kristo aamina ūpiriāmitakari nopini ipinini atoko. Ninirekari Xesosi nireēkitinoka nikamini, ininiā iua atoko nitxaua. <sup>11</sup> Ininiā itixi xipokini ūti Teoso ūkitikanoko, iuaūki ninini tūkane.

### *Mitekakari Atoko Nitxa*

<sup>12</sup> Ikara ikinika ! nimarotapanika. Ni-maroāpotapanikariko. Teoso kamapanikari iparīka nota ūkixinireē. ! Ixipokapanikari, ininiā ! niotokakari niparīka Teoso ūkapani. Niparīkauatapitipo. Mitekakari mitekini atoko, ! niotoka. Mitekakari nirekari mitekatxi mapotōkire apokini. Iua atokokana nota nirekari niparīka mapotōkire napokini, kotxi Kristo Xesosi mereēno nota ikara atoko nikamini ūkapani. <sup>13</sup> Nitariakori, niparīka mapotōkire ! napokapanika. Ia nikamako: !Nixinikaikari mitxi nikamakiti. Mitekakari masapotorikakati atoko nitxa. Nitapararitika nisa apikomoni, niparīka mapotōkire napokini ūkapani. <sup>14</sup> Mitekakari iteene nirekari mitekatxi mapotōkire apokini imitekini ūki apakapini ūkapani, ininiā imitekapitipo. !Iotoka. Iua atokokana nota parīkauatapitipo Teoso ūkapani, niparīka mapotōkire napokini ūkapani, niparīka ūki Teoso sikakiti napakapini ūkapani, kotxi Teoso pīkapiretano nota Kristo Xesosiā itixine nisini ūkapani, niparīka ūki napakapini ūkapani.

<sup>15</sup> Akinika ate Kristo iteene imarotakani xiniķamariko nota oerekakiti atoko inakari. Ikara atoko himaxinikakanisaaki, Teoso oerekaike hīte atāo inakari. <sup>16</sup> Mitekatxi kamakari paniātakiti iaōka mitekakari kama imitekasaaki. Iua atokokana

makamariko Teoso paniātakiti. Uatxaika akamakiti atokokana makama.

**17** Nitariakori, hīkamariko nota kamakiti atoko inakari, kotxi ate oerekapekai hīte ikara atoko inakari hīkamini. Hīkīpitarko nota kamakiti atoko inakari kamakani sākire. **18** Kaiāopokori kākiti ! aukari Kristo ipinini amaerekani imakatzakini īkapani. Kristo omanatakani itxauana ninoa. Itokatapeka ikara nisāpiretai hīte, ininiā iuaīkana uatxa ikara nisāpiretai. Iteene nimatinaniuata ninoa xika. **19** Itixi mapotōkire ōtisaaki ninoa iokanataākako maerekani misiritikoātaā. Iītona iteosonena atoko itxana, kotxi iītona nireēkitinoka ikamana. Ikamakitina ! erekari, iuaritika iuikarina ikamakitina. ! Ipētauatana. Ninoa xinikapikari īkorapokoriti. ! Ixinikarina Teoso. **20** Atepekana, Teoso tixine auakani atxapekaua. Aiātapari apoxokoniritika kākiti maerekani makatzakakari iuaxitikiri uaimoni apokini. Iua Xesosi Kristo Apiananiri itxaua. **21** Iuasaakiko inoākari aīto mataparati. Itxīkitakari aīto iua īto erekari atoko inini. Iposotari, kotxi kaposotiireritxaua iua. Ikinimane kamapitikariko ipaniātakiti, kotxi kataparari iua Xesosi.

## 4

### *Ōtākipirenatxi*

**1** Nitariakori, nota iteene tiretai hīte. Nipiātai hīte. Hīkamapoxokonitano nota. Niuikai hīte, kotxi niparīka īki atoko hītxa. Nitiretakini, hīxinikariko ikara nota ōtākikinii uatxa. Nota ōtākikinii hīkīpitiniā, !hītakanapari Apiananiri.

<sup>2</sup> Nota õtäkikai hïte Epótxia inakoro, Sïtxiki inakoro pakini. Hïkïpitariko Apiananiri sãkire. Hïotokakariko hïtxitakiniua. <sup>3</sup> Pitepekana nimoianari erekari, nota nirekai pite õtäkikinina naia sito ipi, kotxi ninoa parïkauatapeka notakata Teoso iokanapirena erekari asãpiretakasaaki. Ninoa parïkauata notakata, Kremëtxi inakori pakinikata, apanakini nimoianariakorikata apaka. Ninoa uïka Teoso aâtsopateë iõkatapeëkaika, Teosokata auapininiika ininina tïkane.

<sup>4</sup> Hienenïkapikako, kotxi Apiananiri nakiti hïtxaua. Iuañkana nitxai. Hienenïkako.

<sup>5</sup> Erekari hïkamako apanakinimoni. !Hïtxitapena. Erekari apanakini imarotiniri hïte erekha hinini. Apiananiri kaiamapeka ikanapiriini uaimoni. <sup>6</sup> Na xatiki maerekaxininireтика !hïtxape. Maerekaxininireti hinakasaaki, himisäkiretariko Teoso. Hamanaäri hinireëkiti. Himisäkiretakasaakiri Teoso, hïtxariko: “Erekapitikari notamoni pikamakiti,” hïtxariko. <sup>7</sup> Ikara atoko aniniä, Teoso kamaerekaxininiretau. Kiätokopa ininiäpa Teoso kamaerekaxininiretau? ! Kimarotikori, iuaritika peerekari. Hïkixinire erekaxininirepeka ininiä, maerekati !iïroä hïkixinireë. !Hinirekaikari maerekati hïxinikini. ! Hinirekaikari maerekati, kotxi Kristo Xesosi nakiti hïtxapekaua.

<sup>8</sup> Nitariakori, nisãpiretakiti xipokini apisa, nisãpiretapanikaiko hïte. Hïxinikariko atão inakari sãkiretxiti. Hïxinikariko atão inakari hïsãpiretini. Hïxinikariko atão inakari hïkamini. Hïxinikariko erekarinoka. Hïxinikariko tiraõkitxi. Hïxinikariko potxitakori. Ikara atoko inakarinoka hïxinikako, kotxi erekapitikari ikara. Peerekari ikara.

<sup>9</sup> Hïkamapikariko noerekakiti iaõka. Hïsãpiretanako

apanakini h̄itemoni nisāpiretakiti. H̄ikamariko nota kamakiti h̄itiākiti atokokana. Ininiā Teoso kākiti kamaerekaxiniretakari kaikota h̄itekata.

*Paoro Potxitari Ninoa Sikakiti*

<sup>10</sup> Apiananiri nakiti nitxaua, ininiā iteene nipoxokoniuata. Iuañkana h̄ite oerekari h̄itiretinino, txineiro h̄isikakito h̄iokanatinano, ininiā nipoxokoniuata. Ātipirika h̄ixinikano, kotxi iteene h̄itiretano. Txamari mitxi !h̄iposotari h̄isikakiti h̄iokanatini notamoni. <sup>11</sup> ! Namanañi iuañkana txineiro h̄iokanatini notamoni. Ikinipoko ninireēkiti auakasaaki, nipoxokoniuata. Ikinipoko ninireēkiti mauakanisaaki, iuaritika nipoxokoniuata. <sup>12</sup> Nota napapekari nimamākani, nimanipokoreni, nimatxineiroteni pakini. Apaka nimarotari ātikataā ninireēkiti ikinipoko auinano. Teoso oerekapekano ikiniōtika nipoxokoniuatini. Nienenīka nipokorri auakasaaki. Nienenīka ninatxitakasaaki apaka. Nienenīka ikini sereti auinakasaakino. Nienenīka minakati mauinakanisaakino. <sup>13</sup> Ikinipoko nipozota nikamini, kotxi Kristo sikano iposotiire.

<sup>14</sup> Erekapitikai h̄ite, kotxi nimatxineirotenisaaki, h̄iokanatari txineiro notamoni. <sup>15</sup> Teoso iokanapirena erekari merepitipanika h̄ikenakotakasaaki, ereē Masetónia tixini nosipikasaaki, h̄ite Piriposi auakaninokara iokanataro txineiro napakapini ūkapani. Apanakini Xesosi sākire auiākani ātiātaā auakan, ! iokanatinano nota. Himarotapekari ikara. <sup>16</sup> Tesarónika sitatxiti nauakasaaki, ninirekakiti auakasaaki, itokata txineiro h̄iokanatinano. <sup>17</sup> ! Niātaparo txineiro h̄isikinino. Niātapari Teoso

sikinii erekari, kotxi h̄ite tiretapestako nota.  
 18 Napakapapekari ikinipoko h̄iokanatakiti. Kaiāopokori h̄iokanatakiti. Epaparotxito inakori mininano h̄isikakiti, ininiā ikinika ninireēkiti uatxa auinano nota. Teosomoni sikakori kamariri atoko itxa h̄ite sikakiti notamoni. Teoso potxitari h̄isikakiti notamoni. 19 NiTeosone sikaiko h̄ite hinireēkiti ikini sereti, kotxi ikinipoko aua iuamoni. Isikaua, kotxi Kristo Xesosi nakitiakori atxaua. 20 Ātipirika matxari Teoso: “Peerekai aīri, aTeosone. Ameē.”

### *Takanapapirenatxi*

21 H̄isāpiretanako ikinimane ereē auakani Kristo Xesosi nakitiakori, nixinikamanapitinina ninoa. Aītariakori uai notakata auakani xinikamanapitai h̄ite apaka. 22 Ikinimane uai auakani Teoso nakitiakori iokanapireta h̄itemoni ixinikiniina. Homanoakori auīte aapoko auakani, Teoso nakitiakori, iokanapireta h̄itemoni iteene ixinikiniina.

23 Xesosi Kristo Apiananiri sikari ikinipoko erekari h̄itemoni. Ameē.

## **Teoso sākire amaneri**

### **New Testament in Apurinã (BR:apu:Apurinã)**

copyright © 2004 Wycliffe Bible Translators, Inc.

Language: Apurinã

Translation by: Wycliffe Bible Translators, Inc.

### **Copyright Information**

© 2004, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Apurinã

© 2004, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

---

PDF generated using Haiola and XeLaTeX on 11 Nov 2022 from source files  
dated 29 Jan 2022  
253eaec7-f0c7-5b49-b6be-65ee5354d0ed